

## এসএসসি পরীক্ষার্থীদের সুবিধার জন্য অনুষ্ঠান পেছালেন প্রধানমন্ত্রী

নিজস্ব প্রতিবেদক •  
রাজধানীতে এসএসসি পরীক্ষার্থীদের  
যাতায়াতের সুবিধার কথা ভেবে  
নিজের একটি অনুষ্ঠানের সূচি  
আধাঘণ্টা পিছিয়েছেন প্রধানমন্ত্রী শেখ  
হাসিনা। শিক্ষাবিসয়ক 'এসডিজি-৪  
লক্ষ্য অর্জনে কার্যকর কৌশল  
নির্ধারণের লক্ষ্য নিয়ে আজ রোববার  
ঢাকায় তিন দিনব্যাপী ই-৯ মন্ত্রী  
পর্যায়ের সম্মেলন শুরু হচ্ছে। সকাল  
১০টায় র্যাডিসন হোটেলে সম্মেলনের  
আনুষ্ঠানিক উদ্বোধন করার কথা ছিল  
প্রধানমন্ত্রীর। শিক্ষার্থীদের কথা চিন্তা  
করে অনুষ্ঠানটি সাড়ে দশটায় উদ্বোধন  
করার সিদ্ধান্ত নেন প্রধানমন্ত্রী।

এ বিষয়ে প্রধানমন্ত্রীর উপ-প্রেস  
সচিব আশরাফুল আলম আমাদের  
সময়কে বলেন, অনুষ্ঠানটি সকাল  
দশটার পরিবর্তে সকাল সাড়ে দশটায়  
শুরু হবে। প্রধানমন্ত্রীর চলাচলের পথে  
সাধারণত সড়কে গাড়ি চলাচল বন্ধ  
রাখা হয় কিছু সময়। তাই ছাত্রছাত্রীরা  
পরীক্ষার হলে প্রবেশের পর প্রধানমন্ত্রী  
গণভবন থেকে সকাল ১০টা ২০  
মিনিটে অনুষ্ঠানস্থলের উদ্দেশে যাত্রা  
করবেন।